

2 fol 614 inv. 556 (p. 5)

P R O
DD. Canonicis Regularibus
Lateranensibus

An capaces sint quorumcunq; benefi-
ficiorum secularium.

SPIRITVS TVVS BONVS DEDVCAT ME.



Multa quidem, & ut dicitur, pleno calamo, luculenterq; scribi possent in ea disceptatione. An scilicet Regularibus secularia Beneficia recte conferri valeant; verum quia labor hic, iam ab alijs susceptus, suos abunde fructus protulit, ne furum faciam, dum aliena transcribere volo, satis sit innuere post D. D. in cap. Cum de beneficio de Praeben. in 6. de ea copiose tractasse Garz. de benef. p. 7. cap. 10. num. 16. & seqq. meam vero, pro nunc, esse prouinciam, ut aded vastam materiam, ad Regulares, qui Canonici Lateranenses vocantur restringam, An nimirum praedicti Beneficiorum secularium, & quorum, & quomodo sint capaces; breuiter quidem, cum tempus non vacet ad sepe molestem prolixitatem inducendum.

Canonicum Regularem non posse obtinere Parochialem, nisi praeficiatur causa praedicationis, aut si fuerint dispensatus, aut in subsidium, alijs deficientibus secularibus, dicit Rebus, in Parax. tit. de dispensat. cum Regular. n. 40.

Verum non esse dubium, beneficia secularia curata posse obtineri à Canonicis Regularibus conuinci videtur per tex. in cap. Quod Dei timorem de Stat. Monach. id ipsum approbatur in decis. Caputaquen. 85. p. 1. Nauar. in consi. 11. & 12. de Stat. Monach. etiam sine dispensatione Episcopi

copi



Et adhuc recens
viget memoria
illorū Canonico-
rum Regularū,
qui curā anima-
rum gesserunt in
loco Vapri, Ca-
priatæ, & Præ-
coati.

copi citati à Garz. vbi supra sub n. 25. & 26. cum licentia
tamen sui superioris. Gratian. disceptat. forens. cap. 123.
sub num. 22. vbi allegat Trident. arguendo à negatiua ad
affirmatiuam in casu permissio, seu concessio cap. 11. seis.
14. latè id comprobat Gabriel Pennotus in Hystor. suæ Re-
ligion. Canonico-regulari lib. 2. cap. 72. sub argu 5.
& seqq. & arg. 6. affert exemplum S. Caroli vnā cum In-
strumento per extensum colationis ab eo factæ de Ecclesia
Curata loci Vimodroni D. Theophilo Varisio de Triuilio
Canonico Regulari anno 1584. 4. Idus Ianuarij Pontif.
Sanctissimi D. Gregorij XIII. anno 12.

Ex quo facto elusa remanent obiecta quorundam asserentiū,
quicquid sit inspecta dispositione dicti cap. Quod Dei ti-
morem, Canonicos Lateranenses non esse capaces sine
dispensatione Apostolica ex declaratione quadā somniata
sub eodem Pontifice, & de qua Garz. dicto loco num. 32.
Gonzal. ad reg. de mense glos. 8. sub num. 53. Quarant.
in verbo Canonicus Regularis Præsec. in prax. Episc. tit. de
prouis. beneficior. num. 23. Elusa; inquam, remanent, tum
quia prædictis declarationibus standum non est, nisi de
ijs in forma probanti constiterit, tum etiam quia incredi-
bile est sub eodem Pontifice Virum summe Religiosum,
& viris doctissimis circumseptum, vtz Sanctum Carolū
contra huiusmodi declarationem vt supra conferendo,
processisse.

Hæc quo ad beneficia cum Cura Animarum: Sed quid de
simplicibus? Si vera esset, & authentica exhiberetur de-
claratio S. C. Concil. Trid. relata à Garz. vbi supra sub nu.
31. vtique fatendum esset non licere Canonicis regula-
ribus habere beneficium simplex sine permissu, & licentia
Sanctiss. Sed cum de ea non constet legitime, non video
quare statibus hinc, inde pro affirmatiua, & negatiua
Doctoribus, vnā ex iis amplecti non possit quilibet Ca-
nonicus Regularis, cui aliud non obstat Canonum impe-
dimentum præter suæ Regulæ Professionem; Illa enim
inspecta, & in qua se fundant qui affirmatiuam senten-
tiam

tiam sequuntur, sunt omnino capaces beneficiorum simplicium ex solo permisso Superiorum suorum, vt ex verbis illius apertè dignoscitur, quæ sunt tenoris vt infra. Et ità &c. saluo &c. Laus Deo.

Mediol. 19. Maij 1642.

Io, Baptista Aldegus I. C.

Formula professionis Canonorum Reg. Lat.

ANno Domini N. die N. mensis N. Ego D. N. in sæculo vocatus N. filius N. voueo, profiteor, ac promitto Deo, B. Mariæ Virgini, & Beato Augustino, ac tibi Adm. R. Domino, Don NN. Abbati huius Monasterij S. N. Ordinis Canonorum Regularium Saluatoris Lateranensis, recipienti nomine, & vice Reuerendissimi Patris, ac Domini Don N. Abbatis Generalis totius Congregationis, ac successorum eius Canonicè intrantium, Obedientiam, Castitatem, & Viuere in communi sine proprio vsque ad mortem secundum Regulam Sancti Augustini, Et quod numquam absque licentia Capituli Generalis dictæ Congregationis, vel eius auctoritate fungentis, aliquod cum cura, vel sine cura Beneficium acceptabo, intus aut extra Ordinem nostrum renuntiando omnibus iuribus, priuilegijs, consuetudinibus in contrarium mihi competentibus, vel quomodolibet competituris.

Ego Don N. supradictus propria manu scripsi, & proprio ore pronunciaui



